

ԿՅՈՒՐԻԿՅԱՆ ԹԱԴԱՎՈՐՈՒԹՅԱՆ ԿԱԶՄԱՎՈՐՄԱՆ
ԺԱՄԱՆԱԿՆ ՈՒ ՆԱԽԱԴՐՅԱԼՆԵՐԸ

Պատմ. գիտ. բեկնածու Ռ. Ի. ՄԱԹԵՎՈՍՅԱՆ

X—XI դդ. Բագրատունյաց թագավորության ֆեոդալական կազմավորումներից էր Կյուրիկյան կամ Լոռվա թագավորությունը, որը ղգալի գեր է կատարել Հայաստանի հյուսիսային շրջանի քաղաքական-մշակութային կյանքում: Նշված դարերում նրա տարածքը կազմող Տաշիր-Ջորագետը եղել է հայ հոգևոր և նյութական մշակույթի գլխավոր կենտրոններից մեկը: Ընդհանուր առմամբ Բագրատունյաց կրտսեր ճյուղի՝ Կյուրիկյանների տիրույթ, այս կազմավորումը սերտորեն կապված էր Բագրատունիների հայոց թագավորության հետ և հայկական մյուս գավառական թագավորությունների համեմատությամբ ուներ որոշակի առանձնահատկություններ:

Կյուրիկյան թագավորության սկզբնավորման տարեթվի հարցը պատմագրության մեջ արժարժվել է շատ վաղուց, սակայն անհրաժեշտ տվյալների սակավությունը դժվարացրել է նրա լուծումը, իսկ հետադոտողների կողմից սկզբնաղբյուրների տեղեկությունների յուրովի մեկնաբանումը առաջ է բերել շփոթ:

Մեզ ղբաղեցնող հարցին վերաբերող հիմնական սկզբնաղբյուրներից է XIII դարի պատմիչ Վարդան Արևելցու աշխատությունը: Վերջինիս հաղորդումը հիմք է ծառայել Մ. Ջամշյանին՝ թագավորության հիմնադրման տարեթիվը համարելու 982 թ.¹: Այդ տարեթիվը երկար ժամանակ կրկնվել է պատմագիտական աշխատություններում²: Բայց աստիճանաբար գիտությանը հայտնի են դարձել և շրջանառության մեջ դրվել խնդրին վերաբերող նոր նյութեր, հատկապես այնպիսի կարևոր սկզբնաղբյուր, ինչպիսին է Սանահնի վանքի մատյանը («Քյոթուկ»), վիմական արձանագրություններ և այլն, որոնք հնարավոր դարձրին վերանայելու հարցը: 1923 թ. լույս տեսավ Մխիթարյան միաբան Ղ. Մովսիսյանի փոքրածավալ մենագրությունը, որ Լոռվա թագավորության ամբողջական պատմության առաջին շարադրանքն է: Օգտվելով վերոհիշյալ աղբյուրների ընձեռած նյութից, նա առաջադրեց նոր տարեթիվ՝ 980 թ.³: Ղ. Մովսիսյանի աշխատությունը երկար ժամանակ բավարարում էր մասնագետներին: Այժմ, սակայն, հեղինակի եղրակացությունների ղգալի մասը վերանայման կարիք ունի: Մասնավորապես դա վերաբերում է թագավորության կազմավորման նախադրյալներին և ժամանակին:

1 Մ. Ջամշյան, Պատմություն Հայոց, հատ. Բ, Վենետիկ, 1785, էջ 851:

2 Լեո, Հայոց պատմություն, հատ. 2, Երևան, 1967, էջ 591: Հ. Մանանդյան, Քննական տեսություն հայ ժողովրդի պատմության, հատ. Բ, մասն Բ, Երևան, 1960, էջ 47:

3 Ղ. Մովսիսյան, Լոռիի Կյուրիկյան թագավորների պատմությունը, Վիեննա, 1923, էջ 28:

Տաշիր-Չորագետի X—XIII դդ. պատմությանը նվիրված թեկնածուական դիսերտացիայում մենք փորձել ենք հիմնավորել նոր տարեթիվ՝ 972, Երկրորդ անգամ առիթ ենք ունեցել անդրադառնալ այդ հարցին, երբ հետազոտել ենք հողատիրության առանձնահատկությունները հյուսիսային Հայաստանում X—XI դդ. և ճշտումներ կատարելով՝ Կյուրիկյանների գահակալության սկիզբը համարել ենք 969/970 թ.⁴:

Վերջերս նույն հարցի շուրջ դիտական մամուլում հանդես եկավ պատմական գիտությունների թեկնածու Ի. Ղարիբջանը: Հեղինակը մանրամասն քննարկում և ժխտում է մեր առաջին հոգվածում արված եզրակացությունը⁵ (երկրորդին նա ծանոթ չէ):

Առաջին հոգվածում հարցին վերաբերող մեր գլխավոր աղբյուրներն էին պատմիչ Մատթեոս Ուռհայեցու «Ժամանակագրությունը» և X դարի պատմա-հնագիտական հուշարձանները: Մենք ուշադրություն էինք դարձրել, որ Ուռհայեցին 974 թ. հայոց թագավոր Աշոտ Ողորմածի (953—977) բանակում հիշատակում է «Աղվանից թագավոր» Գուրգենին⁶, որը լոռու առաջին թագավոր Գուրգենն է: Այս հաղորդումից ինքնին հետևում է, որ վերջինս իշխել է 980/982 թ. ավելի վաղ: Բայց ո՞ր թվականից: Հարցը պարզելուն օգնում է Կյուրիկյան թագավորության ներքին կյանքի ուսումնասիրությունը:

Թագավորության կազմավորումը սերտորեն առնչվում է Կյուրիկյանների հոգևոր աթոռանիստ կենտրոնի՝ Սանահնի վանքի հիմնադրման հետ: Վանքի մայր եկեղեցու՝ Ամենափրկչի կտիտորական քանդակները պատկերում են լոռվա առաջին թագավոր Գուրգենին իր ավագ եղբոր՝ Սմբատի հետ (վերջինս դարձավ հայոց թագավոր 977—990 թթ.):

Բարձրաքանդակների վերևում փորագրված է. «Կիւրիկէ թագաւոր, Սրմբատ թագաւոր»⁷: Եկեղեցու կառուցման տարիները հաշվելով 967—972 թթ., մենք եզրակացրել էինք, որ 972 թ. Գուրգենը (Կյուրիկեն) արդեն գահակալում էր Տաշիրում⁸:

Այս տեսակետը Ղարիբջանը չի ընդունում՝ հետևելով Մովսիսյանին: Սանահնի վանքի գրառումների մատյանում վանքի առաջին դպիր-քարտուղար Սիմեոնը 972 թ. հիշատակարան է գրել: Այնտեղ նա հիշատակում է Գուրգենին, բայց ոչ իբրև թագավոր⁹: Ուրեմն, եզրակացրել է ժամանակին Մովսիսյանը (ապա նաև Ղարիբջանը), Գուրգենը 972 թ. դեռ թագավոր չէր¹⁰: Բացատրելով այդ, մենք գրել ենք, որ Սիմեոնի լուրջությունը ոչինչ չի նշանակում, Գուրգենը կարող էր թագավորել հիշատակարանի գրության թվակա-

⁴ Տե՛ս «Գիտությունների Կյուրիկյանների պատմության վերաբերյալ», «Պատմա-բանասիրական հանդես», 1968, № 3: «Լոռվա թագավորության կազմավորման պատմությունից», ՀՍՍՀ ԳԱ «Լրաբեր» (հաս. դիտ.), 1976, № 3:

⁵ Ի. Ղարիբջան, Կյուրիկյան թագավորության հռչակման տարեթվի շուրջ, «Բանբեր Երևանի համալսարանի», 1977, № 1:

⁶ Մատթեոս Ուռհայեցի, Ժամանակագրություն, Վաղարշապատ, 1898, էջ 17:

⁷ Կ. Ղաֆադարյան, Սանահնի վանքը և նրա արձանագրությունները, Երևան, 1957, էջ 98:


⁸ Հմմտ. «Պատմա-բանասիրական հանդես», 1968, № 3, էջ 201—202:

⁹ Մաշտոցի անվ. Մատենադարան, ձեռ. № 3031 (աժյոթուկ), էջ 39:

¹⁰ Ղ. Մովսիսյան, նշվ. աշխ., էջ 24: Ի. Ղարիբջան, նշվ. աշխ., էջ 80:

նին, բայց գրվելուց որոշ ժամանակ անց¹¹։ Առարկող կողմը ոչ մի բացատրություն չի տալիս, թե ինչու այդպես չէր կարող լինել։

«Սիմեոն գրիչը լուում է Գուրգենի թագավոր լինելու մասին,— գրում է Ղարիբյանը։— Երբ հիշատակարանը գրում էր, ապա հետևում է, որ Ամենայնիկի հեղեցու կառուցման ավարտի ժամանակ նույնպես Գուրգենը թագավոր չէր, քանի որ առանց հեղեցու կառուցումը ավարտելու անհրա-



ժեշտություն չկար քարտուղար և առաջնորդ ընտրելու։ Հետևաբար բարձրաֆանդակը կամ նրա վրա եղած արձանագրությունը ավելացվել է հետագայում, երբ հայտնի էր երկու եղբայրների թագավոր լինելը, մեկին՝ Սմբատին, որպես հեղեցու կառուցման անմիջական ղեկավարի, մյուսին՝ Գուրգենին, տեղի թագավորի¹²։ Բայց երբևէ չի պետք է համարել Սմբատի թագավորությունը։ Եթե հաշվենք 977-ից, երբ նա զահակալեց Անիում, ապա Սանահնի քանդակում Սմբատը պետք է սլաշակվեր շահնշահի զգեստով՝ արաբական չալմայով և խալաթով, ինչպես 976—991 թթ. կառուցված Հաղբատի

¹¹ «Պատմա-բանասիրական հանդես», 1968, № 3, էջ 200։

¹² Ի. Ղարիբյան, նշվ. աշխ., էջ 81։

Ս. Նշանի քանդակում: Բայց Սանահնում նրա տարազը տեղական է (տե՛ս լուսանկարը): Այդ հանգամանքը ճշտում է քանդակի ժամանակը: Առաջին հոգվածում մենք արդեն խոսել ենք այդ մասին, բայց Ղարիբյանը լուծել է մատնում մեր բացատրությունը: Բացի այդ, Ամենափրկչի արևելյան ճակատի քարերի կանոնավոր շարվածքից երևում է, որ քանդակները պատրաստվել են եկեղեցու շինությանը զուգընթաց՝ երկթեքի ցածրում քանդակների համար թողնված է եղել նախօրոք արված ուղղանկյուն խորշ, ուր ագուցվել է բարձրաքանդակը¹³:

Ի. Ղարիբյանը, վկայակոչելով Սիմեոնի գրությունը, բացատրում է, որ Սմբատը, մինչև Անիում գահին նստելը (այսինքն՝ մինչև 977 թ.), Աշոտ Ողորմածի կողմից նշանակված է եղել գահակից թագավոր՝ Գուգարքը կառավարելու համար¹⁴: Դա միանգամայն ճիշտ եզրակացություն է: Սիմեոնը գրում է. «...ի թագաւորութիւն Աշոտոյ և նորին որդւոյ Սմբատայ. քաջք եւ յաղթողք թագաւորք Հայոց»¹⁵: Ուրեմն հիշատակարանի դրության ժամանակ՝ 972 թ. Սմբատը գահակից «հայոց թագավորի» իրավունքով կառավարել է Գուգարքը:

Այդ դեպքում ինչո՞ւ նրա թագավորական տիտղոսը հաստատող արձանագրությունն ու քանդակը պետք է ավելացվեն հետագայում: Ընդ որում նրա գահակցությունը սկսվել է ավելի շուտ: Կաթողիկոս Անանիա Մոկացու վկայությամբ Սմբատը «Հայոց թագավոր» տիտղոսը կրել է արդեն 958 թ.¹⁶: Լինելով արքունիքի ներկայացուցիչ Տաշիրում՝ նա մասնակցել է Սանահնի վանքի՝ տեղական քաղաքական կազմավորման հոգևոր կենտրոնի հիմնադրմանը և կառուցմանը: Այդ իրողությունն են արտահայտում արձանագրությունն ու կտիտորական քանդակը, որոնց առկայությունը 972-ին անկասկած է:

Նույն միջոցառմանը մասնակցել է նաև Գուրգենը. այդ վկայում է «Քյոթուկ» մատյանը (էջ 57) և այդ հանգամանքը նույնպես արտացոլված է քանդակում: Ամենափրկչի կտիտորական ղույզը գեղարվեստական ամբողջություն է: Անհնարին է պատկերացնել, որ սկզբից քանդակվել է Սմբատի ֆիգուրը, իսկ Գուրգենինը ավելացվել է տարիներ անց: Անտարակույս, ֆիգուրները քանդակվել են միաժամանակ ի պատիվ եկեղեցու կառուցողների, որոնք ձեռքբերում պահում են մանրակերտը (մոդելը): Նույնը վերաբերում է նաև արձանագրությանը: Այն եղբայրների թագավորությունն արտացոլող վիմական գրություն է: 958—972 թթ. Սմբատի թագավորական տիտղոս կրելը կասկածից դուրս է: Եթե Գուրգենի գահակալումը ավելի ուշ ընդունենք (ըստ Ղարիբյանի՝ 979-ից), ապա հերթականության համաձայն արձանագրությունում նախ պետք է գրվեր՝ «Սմբատ թագաւոր», իսկ 979-ին ավելացվեր՝ «Կիրիկե թագաւոր», այնինչ անունները նշված են հակառակ կարգով: Հնարավոր չէ պատկերացնել, որ սկզբում (958—972 թթ.) գրվել է արձանագրության վերջնամասը, ապա տարիներ անց (979-ին) ավելացվել

¹³ «Պատմա-բանասիրական հանդես», 1968, № 3, էջ 201—202:

¹⁴ Ի. Ղարիբյան, նշվ. աշխ., էջ 78—79:

¹⁵ Մաշտոցի անվ. Մատենադարան, ձեռ. № 3031, էջ 38: Տե՛ս նաև՝ Բ. Մաթևոսյան, Գահակցության ինստիտուտը Աշոտ Գ-ի օրոք, ՀՍՍՀ ԳԱ «Լրաբեր» (հաս. դիտ.), 1977, № 1:

¹⁶ Տե՛ս «Արարատ», 1897, մարտ, էջ 144:

սկիզբը: Անտարակուսելի է, որ արձանագրությունը գրվել է ամբողջությամբ, քանդակների հետ միասին, ավելի ճիշտ՝ երկուսն էլ եկեղեցու կառուցմանը դուգընթաց:

Սիմեոնի հիշատակարանի լուսթյունը բոլորովին չի հակասում այս եզրակացությանը: Սկզբնաղբյուրը ինչ-ինչ պատճառներով կարող էր չարձանագրել որևէ փաստ, որը այսօր դեպքում է մեզ: Այդ չի նշանակում, թե փաստը տեղի չի ունեցել: Չնայած Սիմեոնի լուսթյանը, Գուրգենը թագավորում էր Տաշիրում, ինչպես կտեսնենք, 972-ից ավելի շուտ:

Ղարիբյանը ժխտում է Գուրգենի գահակալումը հոր՝ Աշոտ Ողորմածի օրոք (իշխել է 953—977 թթ.) և իր առարկությունը հիմնավորում է մի քանի կետերից բաղկացած փաստարկումներով:

970-ական թթ. Գուրգենը «չէր կարող «թագաւոր Աղուանից» կոչվել, քանի որ նա իր գահակալության ընթացքում ոչ մի թիզ հող չի նվաճել Աղվանքի տերիտորիաներից (խոսքը «Հայկական Աղվանքի»՝ Ուտիքի մասին է—Խ. Մ.)։ ...Այնպես որ, այս հարցում Մաթևոս Ուռայեցին որոշակի շփոթության մեջ է»¹⁷։ Այս առարկությունը անտեղի է։ Գուրգենը երբեք (այլ ոչ միայն 970-ական թթ.) ոչ մի նվաճում չի կատարել։ Ուտիքի Տավուշ գավառում (ներկայիս Շամշադինի շրջան) Կյուրիկյանները XI դարում տիրացել էին մի քանի բերդերի, այդ պատճառով XII դարի պատմիչ Ուռայեցին հետին կարգով նրանց անվանում է «Աղվանից թագավորներ»։ Ուռայեցու համար դա ամբողջ դինաստիայի անունն է, այդ պատճառով նույնիսկ դինաստիայի թողնանիստ լուռի բաղաբը համարում է «Աղվանքում» (էջ 231), բայց այդ անվանակոչումը ճիշտ չէ Կյուրիկյանների նկատմամբ։ Այդ մասին մենք հանգամանորեն խոսել ենք առաջին հոդվածում (էջ 202—204)։ Գուրգենին, որպես դինաստիայի ներկայացուցչի, Ուռայեցին ընդհանուր կարգով է նման հորջորջում տալիս, այստեղ կարևորը 972 թ. նրա թագավոր լինելու կամ չլինելու հարցն է, իսկ դրանում, ինչպես կտեսնենք, պատմիչն ամենևին էլ շփոթության մեջ չէ¹⁸։

«Թագաւորը վերջինք Բաղրատունիք» վերնադիրը կրող ժամանակագրությունը, կազմված XII դարում, Գուրգենի մասին տալիս է հետևյալ տեղեկությունը. «... իսկ սոքա (Աշոտ III-ի որդիները) համակամ սիրով երիս բաժանեն ղթագաւորութիւնն՝ հայրազրուխ առնելով զՍմբատ և Գուրգեն տիրէ Գուգարացւոց կողմանս սկսեալ ի Գագայ, Խառայ մինչև ի դուռն Տփղաց։ Եւ վարեաց սա զամենայն ժամանակս թագաւորութեան իւրոյ... թագաւորեաց

17 Ի. Ղարիբյան, նշվ. աշխ., էջ 80:

18 Առավել տարօրինակ է Ղարիբյանի հայտարարությունը, թե իբրև Ուռայեցին թագաւորել է պատմական ճշմարտությունը, որը մայր հայրենիքից շատ հեռու ապրելու հետևանք է։ Այդ պատճառով «Իրենից շատ առաջ կատարված դեպքերի ու դեմքերի հարցում լավատեղյակ չէ» (նշվ. աշխ., էջ 82)։ Սա ակնհայտ թյուրիմացություն է։ Կոստանդնուպոլիսը շատ ավելի հեռու է Հայաստանից, քան Երուզանդական պատմիչների (օր. Կոստանդին Միրանաժնի) տեղեկությունները Հայաստանի մասին ոչ ոք կասկածի տակ չի առնում, որովհետև նման պարագաներում որոշիչը պատմիչի օգտագործած աղբյուրներն են։ Այդ տեսանկյունից Մատթեոս Ուռայեցին ամենավստահելի հեղինակներից է, և հատկապես Տաշիր—Ձորագետի վերաբերյալ, որովհետև նրա աշխատության աղբյուրներից է XI դարի հեղինակ և Սանահնի վանահայր Դիոսկորոսի աշակերտ Հակոբոս Սանահնեցու «Ժամանակագրությունը», իսկ ինքը Հակոբոս կյանքի վերջում ապրել է Ուռայում (տե՛ս Լ. Խաչիկյան, Հակոբ Սանահնեցի՝ ժամանակագիր XI դարի, «Բանբեր Երևանի համալսարանի», 1971, № 1, էջ 22—48)։

ամս Ծ (50) և կամայօժար կրօնաւորի ի վանս Սանահին ամս Ը (8), որով և փոխի մահուամբ»¹⁹:

«... Ըստ այս վկայութեան,— գրում է Ղարիբեյանը,— նախ. Գուրգենը թագավոր է դարձել հոր մահից հետո, երկրորդ՝ նա թագավորել է հիսուն տարի...»: Ժամանակագրութեան հրատարակիչ Վ. Հակոբեյանը «Ծ» թվանիշը համարում է գրչասխալ և առաջարկում բնագրում Ծ-ի փոխարեն կարդալ «Ժ» (10)²⁰: Ղարիբեյանը համաձայնվում է այդ առաջարկի հետ, «որովհետև գրիչները շատ հեշտութեամբ կարող էին Ծ-ն շփոթել Ժ-ի հետ: Եթե ընդունում ենք, որ առաջարկված ուղղումը ճիշտ է, ապա պարզվում է, որ $972+10=982$, իսկ կան փաստեր, որ Գուրգենը թագավորել է մինչև 989 թ. հերառյալ: Այսպիսով պարզվում է, որ այս դեպքում էլ Գուրգենը Աշոտ Ողորմածի ժամանակ թագավոր չէր կարող լինել»²¹: Բայց Ղարիբեյանը չի ասում, թե այդ ո՞ր փաստերն են: Նա միայն վկայակոչում է Ղ. Մովսիսյանին, որի կարծիքով Գուրգենը մահացել է 989 թ.²²:

Ղարիբեյանը գտնում է, որ իբր 989 թ. Գուրգենը ոչ թե մահացել է, այլ հեռացել վանք: 989 թ. նոյեմբերին մահացել էր հայոց թագավոր Սմբատ II-ը՝ Գուրգենի ավագ եղբայրը, և գահակալել էր մյուս եղբայր Գագիկը (990—1020): Ասողիկի ասելով նրանք մեղքեր էին գործել²³ (Սմբատը ամուսնացել էր իր քրոջ դստեր հետ և այլն): Եղբայրների մեղքերը քավելու և հոգիները փրկելու նպատակով, ըստ Ղարիբեյանի վարկածի, Գուրգենը հեռացավ վանք: Եվ քանի որ Ասողիկը, պատմելով Գագիկ I-ի գահակալության սկզբի մասին (989) որպես Գուգարքի թագավոր անմիջապես նշում է Գուրգենի հաջորդ Դավիթ Անհողինին, ուրեմն Գուրգենը այդ թվականին արդեն թագավոր չէր: Ըստ այս դիտողությունների Գուրգենը հեռացել է վանք 989 թ., իսկ մահացել՝ 997-ին ($989+8=997$): Գահակալության սկիզբը պետք է համարել 979 թ.²⁴:

Այս եզրակացության հետ դժվար է համաձայնվել: Իհարկե, XII դարի Անանուն հեղինակի նշած «Ծ» թվանիշը ակնհայտ գրչասխալ է, բայց ծ-ն կարելի էր շփոթել մի այլ տառի հետ. զրավոր աղբյուրներում ունենք դրա փաստացի ապացույցը: Այսպես, Երուսաղեմի № 1455 ձեռագիրը, գրված XVII դարում, ունի այսպիսի բնագիր՝ «Թագաւորք վերջինք ի վերայ Հայոց, որ կոչին Բագրատունիք, յազգէ Դաւթի»: Բնագրում Աշոտ Ողորմածի մասին կարգում ենք. «Թագաւորէ Աշոտ ամս ԾԲ... ի սորա աւուրս շինեցավ Հաղբատ եւ Ժ ամ անցեալ Սանահինն շինեցին»²⁵:

Մուշում X դարում գրված ձեռագիրը՝ «Պատմութիւն Ս. Նշանին ս. Աղբերկա», ունի հիշատակարան, որտեղ Սմբատ I-ի մասին ասված է. «Եւ

¹⁹ «Մանր ժամանակագրություններ. XIII—XVIII դդ.-ը, հատ. 2, կազմեց Վ. Հակոբյան, Երևան, 1956, էջ 501:

²⁰ Նույն տեղում, էջ 503, հան. 3:

²¹ Ի. Ղարիբեյան, նշվ. աշխ., էջ 80—81:

²² Ղ. Մովսիսյան, նշվ. աշխ., էջ 34—35:

²³ «Մտեփանոսի Տարօնեցույ Ասողկան Պատմութիւն տիեզերական», ՍՊԲ, 1885, էջ 253—255:

²⁴ Ի. Ղարիբեյան, նշվ. աշխ., էջ 83—84:

²⁵ Տե՛ս Գ. Հովսեփյան, Յիշատակարանը ձեռագրաց, Անթիլիաս, 1951, էջ 87: 2. Ոսկյան, Գուգարքի վանքերը, Վիեննա, 1960, էջ 88:

թագաւորեաց ամս յԲ և նահատակեցաւ ի Դվին ի Պարսից»²⁶։ Այս ձեռագիրը տալիս է ականջատ սխալ թիվ։ Աղբյուրներից մեղ քաջ հայտնի է, որ վերոհիշյալ թագավորները իշխել են ոչ թե 52 (ՄԲ), այլ 24 (ԻԴ) տարի²⁷։ Մեր կարծիքով նույնպիսի սխալ է թույլ տվել XII դարի ժամանակագրության հեղինակը։ Մ-ի փոխարեն պետք է լինի Ի (կամ ԻԵ), որովհետև, ինչպես կոեսենենք, Գուրգենը իրոք իշխել է 25 (ԻԵ) տարի։

Անհամոզիչ է Ղարիբյանի բացատրությունը Գուրգենի վանք հեռանալու դրդապատճառի մասին. վերջինս բոլորովին պատասխանատու չէր իր եղբայրների «մեղքերի» համար, Սմբատի ամուսնությունը քրոջ դստեր հետ և մյուս «հանցանքները» չէին կարող ստիպել Տաշիրում իշխող Գուրգենին հրաժարվել թագավորությունից և աշխարհիկ կյանքից։

Ընդունելի չէ և երկրորդ կովանը։ Ասողիկի մոտ Դավիթ Անհողինի մասին խոսվում է ոչ թե Գագիկ I-ին վերաբերող հատվածում, այլ Գագիկի կին Կատրամիդեի կողմից Անիի մայր տաճարի կառուցումը ավարտելու (1001 թ.) մասին պատմելուց հետո²⁸։ Եթե չափանիշը նույն էջում երկու տնայնագրությունների հիշատակության հաջորդականությունն է, ապա Ասողիկի տեղեկությունը ոչ թե հաստատում, այլ ժխտում է Ղարիբյանի եղրակացությունը և միաժամանակ՝ Ղ. Մովսիսյանի տեսակետը, որը ավելի վաղ նույն կերպ փորձել էր հիմնավորել 989 թ.²⁹։ Ընդամենը, Ղարիբյանին անձանոթ է մնացել հարցին ուղղակիորեն վերաբերող մի կարևոր վկայություն՝ Հաղբատում 991 թ. գրված արձանագրությունը. «Ի նև (991) թևականութեանս Սիմեոն հայր և Տիրանուն երեց շինեցաք զեկեղեցիս փրկութեան Սիմբատա և Գուրգենա»³⁰։ Այս եկեղեցին՝ Հաղբատի Ս. Նշանը, ինչպես և Սանահնի Ամենափրկիչը կառուցվել է Աշոտ Ողորմածի որդիների արևշատության համար։ Սա է Գուրգենին վերաբերող վերջին հիշատակությունը աղբյուրներում և նրա գահակալությանը վերաբերող առաջմ մեզ հայտնի վերջին թվականը։

Այսպիսով, Գուրգենի 10-ամյա գահակալությունը՝ մինչև 989 թ., Ղարիբյանի (և Մովսիսյանի) վկայած աղբյուրների միջոցով չի հաստատվում³¹։

Ղարիբյանը հատուկ ուշադրություն է դարձնում Սմբատ II Տիեզերակալի հրովարտակի վրա, որը կարևոր աղբյուր է Տաշիրի X դարի պատմության համար։ Այն զրվել է 979 թ. Սանահնում Սմբատ II-ի այցի ժամանակ, իսկ բովանդակությունը արտագրվել է վանքի մատյանում։ Հրովարտակում Սմբատը հաղորդում է Սանահնում Ս. Աստվածածին կենտրոնով եկեղեցական վիճակի հիմնելու մասին, որին ենթարկվում էին (կրոնա-վարչական առումով) «Տաշիր երկրի» (Կյուրիկյան թագավորության) բոլոր գավառներն ու գյուղերը³²։

26 Գ. Հովսեփյան, Յիշատակարանք ձեռագրաց, էջ 188։

27 «Մանր ժամանակագրություններ, XIII—XVIII դդ.», հատ. 2, էջ 501։ Ասողիկ, էջ 180։ Հովհաննես Դրասխանակերտցի, Պատմութիւն Հայոց, Թիֆլիս, 1912, էջ 240։ Գ. Հովսեփյան, Յիշատակարանք ձեռագրաց, էջ 175։

28 Ասողիկ, էջ 256։

29 Ղ. Մովսիսյան, նշվ. աշխ., էջ 34—35։

30 Կ. Ղաֆադրյան, Հաղբատ, Երևան, 1963, էջ 141—142։

31 Ինչ վերաբերում է Ղարիբյանի մատնանշած հեղինակներին (էջ 84), որոնք նույնպես ընդունել են 989 թ., ապա նրանք բոլորը կրկնել են Ղ. Մովսիսյանին, որի աշխատությունը ձառայել է որպես հիմք։

32 Մաշտոցի անվ. Մատենադարան, ձեռ. № 3031, էջ 46—50։

Ժամանակին Ղ. Մովսիսյանը հրովարտակի դրությունը կապել է Գուրգենի թագավորության հետ և եզրակացրել, որ Սմբատի այցի ժամանակ տեղի է ունեցել Տաշիրի «անկախության հանդիսավոր հանդեսը»³³։ Ղարիբյանը լրիվ համամիտ է այս եզրակացությանը³⁴։

Այս տեսակետը և նրա հիմնավորումն ընդունելի չեն։ Մեր երկրորդ հոդվածում ցույց ենք տվել, որ 979 թ. Սմբատի այցը Սանահին ոչ մի կասկածի վիճակ կազմակերպելու և «Տաշիրի անկախությունը» հռչակելու հետ, եկեղեցական վիճակ Տաշիրում կար 979 թ. առաջ, այդ երևում է Սիմեոնի հիշատակարանից. վանքի քարտուղարը թվարկում է այն եկեղեցականներին, որոնք ղեկավարել են տեղական թեմն արդեն 972 թ. և դրանից մի քանի տարի առաջ. «... յեպիսկոպոսութեան մերումս նահանգի գաւառիս Տաշիր Գրիգոր արժանաւոր հատապետի, որ և նորա յառաջնորդութեանն են ամբ Բ... ևս առաւել յիշելոյ արժանի համարեսցիք զհանգուցեալ... Պաղիկարայոս որ սկիզբն արար վանիցս շինութեան...», որոյ հանգստեան են ամբ Բ. ևս առաւել յիշեսցիք զնորին փոխանորդ զուխտի առաջնորդս զհայրն Գրիգոր մաքուր յոյժ...»³⁵։ Պարզվում է, որ 972 թ. Տաշիրի եպիսկոպոսն էր Գրիգորը, որը առաջնորդ էր դարձել 970 թ.՝ փոխարինելով մահացած Պոլիկարայոսին. վերջինս մասնակցել է վանքի հիմնադրմանը։ Ուրեմն Սանահինի վիճակը (թեմը) գոյություն ունեւ 979 թ. ավելի վաղ, Պոլիկարայոսի օրոք. և Սմբատ Տիեզերակալը նոր չպետք է ստեղծեր այն։ Տաշիրում վիճակ չէր ստեղծվի, եթե չլիներ այն քաղաքական կազմավորումը, որը կարիք ունենար սեփական հոգևոր կենտրոնի։ Այդ երկուսը անբաժանելի են միմյանցից, թեմը կոչված է ամրապնդելու ֆեոդալ իշխողների քաղաքական իշխանությունը։ Սանահին և նրան քիչ հետո ավելացած Հաղբատի վանքերը Կյուրիկյանների տոհմական հոգևոր կենտրոններն էին։ Նրանց կառուցումը (առաջին հերթին՝ Սանահին) անիմաստ կլիներ, եթե Բագրատունիների կրտսեր ճյուղը՝ Կյուրիկյան տոհմը՝ ի դեմս նրա առաջին ներկայացուցիչ Գուրգենի, արդեն Տաշիր-Ջորագետի կառավարիչը չլիներ։ Վանքի կառուցումը, այսինքն թեմի կազմակերպումը, ձեռնարկել է արքունիքը, թագուհուն՝ Աշոտ III-ի կին հոսրովանուշի հսկողության ներքո³⁶, իսկ տեղում միջոցառումները իրականացնում էին Սմբատն ու Գուրգենը և հոգևորականներից՝ Պոլիկարայոսը։

Եկեղեցական թեմի կազմակերպման տարիներն ինքնին մատնանշում են թագավորության առաջ գալու ժամանակը³⁷։ Արդ՝ մեզ պետք է պարզել, թե երբ է կառուցվել թեմի աթոռանիստ վանքը, կամ նրա գլխավոր եկեղեցին՝ Սանահինի Ամենափրկիչը։

Ղարիբյանի կարծիքով, վանքի քարտուղար Սիմեոնի վկայությամբ եկեղեցու կառուցումը ավարտվել է 972 թ.։ «Այս կարծիքին է նաև Սանահինի վանքի քաջահմուտ ուսումնասիրող պրոֆ. Կ. Ղաֆադարյանը, որն ապացուցում է, որ վանքի կառուցումն ավարտվել է 972 թ., բայց բարձրաքանդակի

33 Ղ. Մովսիսյան, նշվ. աշխ., էջ 26։

34 Ի. Ղարիբյան, նշվ. աշխ., էջ 85։

35 Մաշտոցի անվ. Մատենադարան, ձև. № 3031, էջ 39—40։

36 Նույն տեղում, էջ 38, 57։ «Մանր ժամանակագրություններ, XIII—XVIII դդ.», հատ. 2, էջ 501։

37 Մանրամասն տե՛ս «Լուսավորության կազմավորման պատմությունից», ՀՍՍՀ ԳԱ «Իրարեր» (հաս. դիտ.), 1976, № 3։

արձանագրությունը թվագրվում է 980-ական թվականով³⁸, — գրում է Ի. Ղարիբջանը: Նա սխալվում է. ո՛չ Սիմեոնը և ո՛չ էլ պրոֆ. Կ. Ղաֆադարյանը նման միտք չեն արտահայտել: Ահա Սիմեոնի խոսքերը վանքի մասին. «... Ի թուականութեան ՆԻԱ (972)... որ էր վանիցս շինութեան ամբ Զ...»³⁹: Այս տողերից պարզվում է, որ 972 թ. վանքի կառուցումից անցել էր 6 տարի, ուրեմն եկեղեցու կառուցումը և միաժամանակ վանքի հիմնադրումը տեղի է ունեցել 966 թ.: Պրոֆ. Ղաֆադարյանը, բերելով Սիմեոնի հիշատակարանը, վանքի կառուցման մասին գրում է. «Մեզ համար մեծ կարևորություն ունեն հիշատակարանում մեջ բերված թվական տվյալները: Այդտեղ նշված է, որ հայոց ՆԻԱ (972) վանքի շինության վեցերորդ տարին է, ուրեմն վանքը կառուցվել է 972—6=966»: Այնուհետև, քննելով պատմիչների՝ հարցին վերաբերող տեղեկությունները, եզրակացնում է, որ ճիշտը պետք է համարել 966 թ.⁴⁰:

Ինչ վերաբերում է արձանագրության ժամանակին, ապա պրոֆ. Ղաֆադարյանը այն թվագրել է X դարի 80-ական թթ.: պարզապես հետևելով Գուրգենի իշխանության՝ Ղ. Մովսիսյանի կողմից որոշած թվականներին, որոնք սխալ են, բայց Կ. Ղաֆադարյանի աշխատությունը գրվելու և հրատարակվելու ժամանակ (1957) ընդունված էին պատմագրության մեջ: Այսպիսով, Սանահնի վանքը հիմնադրվել է 966 թ. և այդ թվականին Ամենափրկիչ եկեղեցու հետ պատրաստ էին բարձրաքանդակներն ու արձանագրությունը: 966-ին Տաշիրի թեմն արդեն գործում էր, այդ փաստը մեզ հիմք է տալիս Գուրգերում Կյուրիկյան թագավորության կազմավորման ժամանակը հաշվել 966-ից: Ըստ այդմ Կյուրիկյան առաջին թագավոր Գուրգենը գահակալել է առնվազն 25 տարի՝ 966—991 թթ.:

Մեր հոգվածում Տաշիր թեմի կազմավորումը հաշվել ենք 969/970 թ., նկատի ունենալով, որ թեմի առաջին առաջնորդ Պոլիկարպոս եպիսկոպոսը մինչ այդ առաջնորդել է Արշարունիքի Կամրջաձորի վանքում, և այդ վանքի ներկայացուցիչն է եղել Անիի 969 թ. եկեղեցական ժողովում⁴¹: Դրանից հետո, ինչպես գրված է հոգվածում, նա տեղափոխվել է Տաշիր⁴²: Եթե ճիշտ է այդ ենթադրությունը, ապա Պոլիկարպոսը Տաշիր պետք է եկած լիներ նույն 969 թ., որովհետև ըստ Սիմեոնի 970 թ. նա արդեն մահացել էր: Ելնելով դրանից մենք Տաշիրի թեմի և միաժամանակ Կյուրիկյան թագավորության սկիզբը համարեցինք 969/970 թ.: Բայց ըստ երևույթին մեր նախորդ հաշվումների մեջ վրիպակ կա. Կամրջաձորի «Ս. Նշանի պատմության» հեղինակը նշում է, որ Արշարունիքի եպիսկոպոս Պոլիկարպոսը մինչև կյանքի վերջը եղել է Կամրջաձորի վանքի առաջնորդ և այնտեղ էլ մահացել է⁴³: Պետք է

38 Ի. Ղարիբջան, նշվ. աշխ., էջ 81, 86, ծան. 24:

39 Մուշտոցի անվ. Մատենադարան, ձեռ. № 3031, էջ 37—38:

40 Կ. Ղաֆադարյան, Սանահնի վանքը և նրա արձանագրությունները, Երևան, 1957, էջ 15, 18, 22, 26: Հմմտ. О. Халпахчьян, Самани, М., 1973, էջ 27: Նույն թվականը նշված է արդեն հիշատակված XII դարի ժամանակագրությունում (տե՛ս «Մանր ժամանակագրություններ», հատ. 2, էջ 501): Ամենափրկիչ եկեղեցին կառուցվել է 957—966 թթ. (տե՛ս О. Халпахчьян, Принципы сложения культовых ансамблей Арменнии, «Архитектурное наследство», 1976, № 24, էջ 129):

41 Տե՛ս ՀՍՍՀ ԳԱ «Արաբեր» (հաս. գիտ.), 1976, № 3, էջ 94:

42 Նույն տեղում:

43 Տե՛ս «Կամրջաձորի Ս. Նշանի պատմություն» («Յիշատակարանք ձեռագրաց», էջ 174):

եղրակացնել, որ Տաշիրի առաջնորդը Պուլիկարպոս անունով մեկ այլ հոգևորական է, որը 969-ից ավելի շուտ գտնվում էր Սանահնում:

IX դարի վերջին — X դարի կեսերին Տաշիր-Ձորագետը տոհմական ոստանի մարզերից էր, որտեղ Աշոտ I-ի ժամանակներից նշանակվում են կառավարիչ-վերակացուներ⁴⁴: Թագավորության կազմավորումով երկրամասը հանձնվեց Բագրատունի կրտսեր ճյուղին, վերակացուներին փոխարինեցին Բագրատունի (Կյուրիկյան) թագավորները: Վերջիններս դարձան տեղի ֆեոդալ-տերերը, նրանցից առաջինը Գուրգենն էր՝ Աշոտ III-ի որդին: Գուրգենը իր տիրույթը ստացել էր արքունիքից որպես «հայրենի իշխանություն»⁴⁵: Աղբյուրների տվյալներից երևում է, որ այդպես էին կոչվում այսմանական-ժառանգական տիպի հոդերը՝ ֆեոդները, ի տարբերություն ժառանգական հոդերի՝ «հայրենի ժառանգության» կամ «հայրենի տերություն»:⁴⁶ «Տաշիր երկրի» կառավարիչ Գուրգենը կրում էր թագավորական տիտղոս, բայց Կյուրիկյանների համար դա լոկ դասային տիտղոս էր և միապետի հոմանիշը չէր: Այն արտահայտում էր Գուրգենի և նրա հաջորդների արտոնությունը՝ հայոց շահնշահի «հայրենի խնամի տակ» իրենց տիրույթում ժառանգաբար վարելու վարչական իշխանությունը, բայց այսմանական իրավունքով⁴⁶: Տաշիրում վասալ թագավորության կազմավորումից հետո էլ հոդի գերագույն սեփականատերը մնում էր Բագրատունյաց տոհմի գահերեցը՝ ի դեմս հայոց շահնշահի:

Սմբատ II-ի հրովարտակի բովանդակությունը դրանում կասկած չի թողնում: Բայց հրովարտակը պետք է ճիշտ հասկանալ և մեկնաբանել: Ղարիբյանը դրում է, որ եթե Սմբատը իր կամքով այդպես աղատ տնօրինում էր տվյալ տերիտորիաները, ուրեմն դրանք հանդիսանում էին նրա սեփականությունը, իսկ եթե դրանք Գուրգենի թագավորության կազմում լինեին 972-ից, ապա տվյալ ակտով կատարվում էր ֆեոդալական սեփականատիրության իրավունքի ոտնահարում: Ճիշտ է, Սմբատը շահնշահ էր, բայց նա ոչ մի իրավական ոտնձգություն չէր կարող կատարել ֆեոդալական թագավորությունների այն տերիտորիաների հանդեպ, որոնք տեղական թագավորի սեփականությունն էին⁴⁷:

Նման մեկնաբանումը հետևանք է այն բանի, որ տարբերություն չի արվում կողմա և մյուս գավառական թագավորությունների միջև: Այդպես կարելի է խոսել վասալությանի կամ Սյունիքի գահակալների և հայոց շահնշահի փոխհարաբերությունների ցածր, բայց ոչ Տաշիր-Ձորոփորի: Արժրունիները կամ Սյունիները իրենց հոդերի հայրենատերերն էին, իսկ Կյուրիկյանները՝ ոչ: Առաջիններն իշխում էին տոհմական մարզերում, որտեղ Բագրատունիները հողային իրավունք երբեք չեն ունեցել: Իսկ Կյուրիկյաններին բաժին հասավ արքունի ոստանի մի մարզ, որը Աշոտ I-ից սկսած անմիջականորեն ենթարկված էր հայոց թագավորին:

Թագավորության կազմավորումից հետո այդ երկրամասը որոշ ժամա-

⁴⁴ Հ ո վ հ ա ն ն ե ս Դ ր ա ս խ ա ն ա կ ե ր տ ք ի, էջ 140:

⁴⁵ XII դարի Անանուն հեղինակը Գուրգենի մասին գրում է. «Իսկ ի տեղի իւր կաթուցանել, զէրկց որդի իւր զ'Իավիթ, որ և նա բարեպաշտութեամբ վայելէ ի հայրենի իշխանութեանն» (տե՛ս «Մանր ժամանակագրություններ», հատ. 2, էջ 502):

⁴⁶ Տե՛ս ՀՍՍՀ ԴԱ «Երարեր» (հաս. գիտ.), 1976, № 3, էջ 90—93:

⁴⁷ Ի. Ղ ա ր ի ր յ ա ն, նշվ. աշխ., էջ 81:

նակ ունեցել է երկու կառավարիչ՝ տեղական թագավոր (Գուրգեն) և գահակից թագաժառանգ (Սմբատ)։ 977-ին ավարտվել է գահակցությունը, Սմբատը դրավել է հայոց գահը, իսկ Գուրգենը իր վարչական ֆունկցիաները հանձնել է եղբորը, 979 թ. տեղի է ունեցել այդ ակտի իրավական ձևակերպումը, Սմբատը վերահաստատել է եղբոր իրավունքները որպես տեղական ֆեոդալ-թագավորի՝ շնորհիվ նրան ինվեստիտուրա։ Այդ է եղել նրա Սանահին այցելելու նպատակը։ Այդ իրողությունն են արտացոլում պատմագիր վարդանը և XII դարի հիշատակարանը⁴⁸։

Ղարիբյանը ճիշտ է նկատել, որ 977-ին վերջացել է Սմբատի իշխանությունը Գուրգենի, բայց նա իրավացի չէ, երբ գտնում է, թե այդ թվականին Սմբատը իր եղբորը նշանակել է միայն տեղական կառավարիչ, որը 979-ին «Գուրգենի հռչակում է առանձին թագավորություն»⁴⁹։ Գուրգենը ոչ մի թագավորություն չի հռչակել։ Նա իր իրավունքները ստացել է արքունիքից, սկզբից ևեթ եղել է «թագավոր»՝ թագակիր կառավարիչ, իսկ թագը եղել է նրա իրավունքների ճանաչումը դերագույն սյուզերենի՝ հայոց թագավորի կողմից տեղում պայմանական իրավունքով իշխելու համար։ Սեփականատիրական իրավունքի տեսակետից Կյուրիկյան թագավորությունը, փաստորեն, եղել է պայմանական հողատիրության տարբերակներից մեկը։

Թագակիր կառավարիչների՝ ֆեոդատեր թագավորների ինստիտուտի ստեղծումը Աշոտ III-ի օրոք Բագրատունյաց արքունիքի կողմից իրագործվող վերափոխումների արդյունք էր։ Այն մի միջոց էր կատարելագործելու պետական վարչական ապարատը, երկրի մարդերը, հատկապես ծայրամասերը կենտրոնի հետ ամուր կապելու և նրանց պաշտպանությունը ապահովելու համար։ Նշված ինստիտուտը վասալ գահակալներին կապում էր արքունիքի հետ, ապահովում նրանց կախումը դերագույն սյուզերենից՝ հայոց թագավորից (շահնշահից)։

Տոհմական ուստանի հեռավոր երկրամասում շահնշահի ազգակցին դարձնելով թագավոր՝ արքունիքը սահմանամերձ գավառներում ստեղծեց նոր ֆեոդալական կազմավորում, որը կատարում էր Արշակունյաց շրջանի բնակչության դերը X—XI դդ. կազմավորումը կոչվում էր թագավորություն։

ВРЕМЯ И ПРЕДПОСЫЛКИ ОБРАЗОВАНИЯ КЮРИКИДСКОГО ЦАРСТВА

Кандидат историч. наук Р. И. МАТЕВОСЯН

(Резюме)

В одной из своих статей («Историко-филологический журнал», 1968, № 3) мы предложили датировать образование Кюрикидского (Лорийского) царства 972 годом. В «Вестнике Ереванского университета» (1977, № 1) была напечатана статья И. Гарибяна, который не соглашается с нашей датировкой и выдвигает свою—979 г. Вновь обращаясь к этому вопросу и привлекая новые факты, мы относим образование Кюрикидского царства к 966 г. Одновременно в статье объясняются предпосылки его образования (охрана северных границ Багратидского царства и др.).

⁴⁸ Մանրամասն տե՛ս «Գահակցության ինստիտուտը Աշոտ Գ-ի օրոք», ՀՍՍՀ ԳԱ «Լրաբեր» (հաս. փիտ.), 1977, № 1։

⁴⁹ Ի. Ղարիբյան, ԽՀՎ. աշխ., էջ 79։